

堅

瓠

集

堅瓠九集卷之四目錄

吳李斑般韻詩

童言成讖

御屏十聯

月舟索衣

詩僧定交

化綿衣疏

門字無勾

慧空勝蹟

陳立興孝感

鄉飲濫觴

詩人志向不同

木屐

倪王齊名

楊升庵逸詞

李空同詞

文衡山茶酒詩

葛道人

念佛智慧

一破得士

冷宮爭雪

檢屁篇

字帶刀鋒

鐵椎銘

韓彭報施

饅頭

成語破

解鳥獸語

回學考試

貢土水冰

鏡中形

聽聲揣骨

衣中出火

孕毬心面

猴種

查名

烏龍是賊

怕讀書

七七

道家五炁

天氣地味

陳眉公

駙驢侍狗

花酒

四書陳二

食薇衣葛

上大人

螢囊

巧對

數目謎

王子珍

楊妃小字

四乳

馮猶龍抑少年

鰲僊

朝廟享祭

婦人荷相

墓中異物

插秧婦

承天府碑

魚王右

蟻食銀

屠都曹撫

重刻褚石農堅瓠集卷之四

甬上留香閣主人較刊

吳李斑般韻詩

戒庵漫筆吳匏庵書體學大蘇李西涯試
效其體作斑般韻律詩相戲詩引有勿怪
攬奪蘇家行市之語匏庵答之往復各五
首中多警句西涯斑字曰心同好古生差
晚力欲追君髣恐斑搨徧吳箋猶送錦搨

殘湘管半無斑換半價重街頭帖画虎心
勞紙上斑雲間天馬誰爭步水底山雞自
照斑斕庵斑字曰硯照百波空對影管城
一孔但窺斑長愛弱毫能瘦硬戲將濃墨
故爛斑馬形始悟當書尾半韞何勞強索
斑寒蛩入戶聲初咽拙鳥成巢羽獨斑西
涯般字曰聊以師模歸有若敢將交行比
顏般鄭師乍許三降楚墨守終能九卻般

文心捧處慚施女筆陣圍時困楚般
般字曰臨摹惡札勞唐紙結構奇材得魯
般屢出漢庭陪絳灌遠輸齊栗荷姚般廉
頗謝罪宜先蘭趙執行軍已殷般聊復據
鞍郊馬援不因奪邑慍劉般西涯諸聯已
自載於詩話中茲則并載袍庵句以見二
公之競藻於一時如此

童言成識

歷城殷士儋嘉靖丁未進士選庶吉士任
編修在內書堂克教讀一日如廁將冠帶
卸於几學生姜淮冠其紗帽束其銀帶如
先生搖擺狀殷猝至淮急除冠解帶折斷
帶簪畏殷責跪曰先生免責後日當以玉
帶賠償殷喜而釋之淮意渠祖有玉帶可
賠也後隆慶四年殷果入相賜玉帶文官
賜玉爲殊恩童言竟成佳讖

御屏十聯

澠水燕談侍讀楊徽之以能詩聞於朝太宗索其所著以百篇獻上卒章曰少年牢落今何幸叨遇君王問姓名太宗和賜選十聯寫於御屏江行云大吹竹籬沽酒客鶴隨苔岸洗衣僧寒食云天寒酒薄難成醉地迴樓高易斷魂塞上云戍樓煙自直戰地雨長腥嘉陽川云青帝已教春不老

素娥何惜月長圓又浮花水入瞿江峽帶
雨雲歸越雋州吳江爲云廢宅寒塘水荒
墳宿草烟元夜云春歸萬年樹月滿九重
城僧舍云偶題巖石雲生筆閒繞庭松露
濕衣湘江舟行云新霜染楓葉皓月借蘆
花宿東林云開盡菊花秋色老落遲梧葉
雨聲寒梁周翰詩云誰似金華楊學士十
聯詩在御屏風蓋紀實也

月舟索衣

廣真野語吳郡詩僧月舟居祇園庵貧而
好客士大夫喜與之游一日以詩簡春官
顏寶之索衣云西風吹破木棉裘徹骨春
寒似水流摘取芙蓉難禦臘製來荷葉不
禁秋朝陽空補千層衲載月常虛一個舟
寄語故人顏戶部朝衣肯爲大顛留寶之
見詩贈衣一襲

詩僧定交

客臘隨筆永樂中汝南楊季學爲成都府
判年甫三十三嘗蒞新繁過一寺其長老
據座弗爲礼楊怒呼從者執之下將加撻
焉有學諭趙弼大呼曰判府莫草草渠乃
詩僧也楊命和吟字韻僧卽應聲云敲動
禪關驚鶴夢微聞經藏聽龍吟楊乃大驚
遂與定爲方外交

化綿衣疏

豐城吳天祐寄食於杭陳廷彩家久無衣
絮陳子蒙調之曰能作疏文當爲化主吳
援筆書云伏以捉襟露肘誰憐原憲之貧
各煖號寒难免昌黎之歎含羞在已貽笑
於人切念天祐半生若蟻一拙如鳩身常
苦飢寒頗類吟詩之賈島志不在溫飽媿
非及第之王曾雖字頗能識而書頗能讀

然寒不能衣而飢不能食灞橋踏雪难堪
手足之凌兢冽水乘舟無奈身心之顫掉
鄴侯萬卷亦徒耳范叔一寒如此哉李托
身依桑柘之鄉而長者擅絲綳之利深筐
大箔價輕千鎰之黃金溫繭柔綿色潤三
冬之白雪眼見之而忽熱心欲之而难言
旣民胞物與之同然豈推食解衣之不可
惠而好我實爲道義之交勉爾求人不足

言辭之拙分我一團和氣耐他千載歲寒
高誼難忘服之於膺而佩之於背衆擎鼎
舉與不傷惠而取不傷廉袁安免僵卧於
洛陽師道不忽寒於郊祀若肯結緣秀士
也勝布施山僧十謁朱門何畏蒲頭之風
雪一吹鄒律頓回幽谷之陽春通告斯文
圖成善事謹疏陳氏父子勸習舉業占籍
仁和膺正統甲子鄉薦而陳氏之門自是

無天祿之跡矣

門字無勾

馬氏日抄門字兩戶相向本無勾踢梁都
臨安玉牒殿矣延及殿門宰臣以門字有
勾腳帶火筆故招火厄遂撤額投火中乃
息後書門額者多不勾腳我朝南京宮城
門額皆詹孟舉所書北京大明門等額皆
朱孔易所書門字俱無勾腳

慧空勝蹟

綠天脞說太平周怡號都峰任吏科給事中素慕禪學有名僧慧空者自武夸來朝九華還過太平息肩三峰菴菴僧曰周公慕重禪教請師訪之師往不遇而歸題詩於石壁上停宿禪居石澗邊三峰長與白雲眠溪聲喚出波心月竹影搖沉水底天野鳥樹頭傳祖意山花香裏送真傳古今

話到無心處話到無心道自然題畢即行
周歸聞之多方尋覓竟不得所題詩句
天雨侵墨蹟更現今勒碑作勝蹟焉

陳立興孝感

吾郡蠡口陳立興家貧篤孝母病愛食塊
中王家糕每旦入城買以奉母七年無間
一日路逢道士云我母亦有疾思食此能
見予否陳卽與之復入城買比還則道士

已持糒奉其母食之病尋愈立興夜夢道士授以藥瓢濟人旦起凡上有瓢及一詩云蓬萊僊境幾千春四海逍遙不染塵勝地偶然閒一玩無端不見本來人陳以其方濟人果獲効遠近神之及卒鄉人立祠祀之永樂中詔訪天下靈蹟瓢遂歸天府

鄉飲濫觴

明高皇五年頒鄉飲讀律儀式訪年高有

德衆所推服者禮迎上座不赴者以違制
論如有過而爲人訐發卽於席上擊去其
齒從桌下蛇行而出誠崇其禮而嚴其防
也年來不尚齒德專取溫飽者以克飲并
不必赴止設扁筵遣官賫送以應故事所
以有鄉飲始末大賓實錄之刺請自今以
後遇賓燕大典必延至明倫堂分賓抗禮
則舉者不敢濫而任者恐無有矣

詩人志向不同

詩人志向各自不同如題漁父有美其山
水之樂者有憫其風波之苦者陸魯望云
一艇輕擗看晚濤接離拋下漉春醪相逢
便倚蒹葭浦更唱菱歌劈蟹螯鄭谷云白
頭波上白頭翁家逐船移浦浦風一尺鱸
魚新釣得呼兒吹火荻花中明下榮云天
外閒雲物外情功名真似一絲輕浪花深

處船如舞只爲心安不受驚祝希哲云荻
花風紫水生鱗山色浮空淡抹銀總道江
南好風景從前都屬打魚人是皆羨其樂
也李西涯云漁家生事苦難勝盡日江頭
未滿曾回首不知天已暮晚風吹浪濕鬚
髻唐伯虎云朱門公子饌鮮鱗爭詫金盤
一尺銀誰信深深狼虎裏滿身風雨是漁
人文衡山云小舟生長五湖濱雨笠風簑

不去身三尺銀鱗數觔鯉長年辛苦只供
人是皆憐其苦也屬意雖不同寫景詠物
各極其妙

木屐

東方朔墳語載木屐起於晉文公介子推
從亡歸國逃祿隱迹綿上抱樹燒死文公
拊木哀歎伐以製屐每懷推從亡之功輒
俯視其屐曰悲乎足下足下之稱始此○

按推姓王名光字推介休人故稱介子推
倪王齊名

吳興王叔明蒙號黃鶴山樵趙文敏甥也
能詩善画與倪雲林齊名元鎮寄詩云幾
夢山陰王右軍筆精墨妙最能文每憐竹
影搖秋月更愛山居寫白雲秘笈封題饒
古蹟雅懷蕭散逸人羣今年七月聞多事
曝画繙書到夕曛

楊升庵逸詞

楊升庵在滇中歌樓妓館題咏殆遍廣莫
野語載王行甫得其題妓逸詞四闕云醺
造一塲煩惱只因些子恩情陽臺春夢不
曾成枉度雨雲朝暝燕子那知我蕭鶯兒
似喚他名消除只有話無生除去心頭重
省倚醉深闌朱戶伴羞怕捧金觥肯人
彈淚繞花行唱盡新詞懶聽本是爲郎調

護當初枉道無情英雄摩勒肯重生贖取
佳人薄命自有嫩枝柔葉何須補柳添
花低聲昵語似雛鴉腸斷東橋月下香霧
清暉何處春風今夜誰家五花嬌馬七香
車趁此小喬未嫁玉指管生弦澁朱唇
語顫聲羞動人一味是溫柔爲甚兩眉長
皺不慣秋娘渡口乍離阿母池頭臨卽太
守最風流肯許鳳求凰否

李空同詞

李空同文章鉅手不屑小製客牕隨筆載
如夢令二詞云昨夜洞房春暖燭盡琵琶
聲緩閒步倚闌干人在天涯近遠影轉影
轉月壓海棠枝軟不信園林春蚤一夜
徧生芳草說與小童知池上落紅休掃休
掃休掃花外斜陽更好詞亦風雅有致惜
本集不載

文衡山茶酒詩

廣莫野語載文衡山茶酒二詩真率可誦
詠茶云絹封陽羨月瓦缶惠山泉至味心
難忘閒情手自煎地爐殘雪後禪榻晚風
前爲問貧陶穀何如病玉川詠酒云晚得
酒中趣三杯時暢然難忘是花下何物勝
尊前世事有千變人生無百年還應騎馬
客輸我北牕眠

葛道人

竹坡詩話錢塘葛道人無他技能以業屨
爲生得金卽沽酒自飲往來湖上人無知
之者一日爲僧修履口中微有聲狀若吟
詩者僧怪而問之葛笑曰偶得句耳問之
乃曰百轉已休鶯哺子三眠初罷柳飛花
自是士人始知其爲詩人矣

念佛智慧

竹坡詩話錢塘關子東言熙寧中有長老
重喜會稽人少以捕魚爲生不識字日誦
觀世音菩薩不少休一日輒能書又能作
偈嘗作偈曰地爐無火一囊空雪似楊花
落歲窮乞得苧蔬縫敗衲不知身在寂寥
中此豈捕魚者之所能哉蓋得觀音智慧
力而解悟者也

一破得士

聞見卮言順治中浙江巡按掖縣王暘谷
元曦觀風杭郡海昌童子張仲張英求試
王以不考童生辭之張固請命題適所坐
案桌欹側吏拾瓦片墊之王卽以墊桌爲
題命作一破張應聲曰平其不平者而天
下無不平矣王大悅卽送學道時已發案
附於社生例得隨例歲試康熙己酉中浙
省魁癸丑成進士

冷官爭雪

客牕隨筆慶陽迤北水皆鹹苦不能飲土人每遇雨雪則貯之土窖以足歲用環縣有二教官相約有雪則均分之一日西齋者偶侵多東齋不平二教官遂關於堂諸生聞之有嘲以詩者云邊城瑞雪滿瑤空或在西階或在東兩個教官爭不了如何弟子坐春風

檢屍篇

大司寇長興顧箬溪應祥

弘治中爲江西

刑官著檢屍篇云檢屍復檢屍檢屍何其
多一月三兩次擊鼓復鳴鑼委官下鄉村
絳衣列干戈大戶困供給宰殺猪雞鵝下
筋動盈百一似蝗食禾少有不遂意平地
起風波臨塲備百物東移復西那不論是
與非先打血滂沱吏胥張饒吻只索孔方

哥件作更要緊輕重由他呼明明殺人者
錢多許私和但涉疑似間嚴刑巧織羅爪
牙猛如虎證佐佞於鮐有口莫能辯如魚
入湯鍋幸而得解脫所費恒沙河問官以
爲德罰取顏不酖某處金若干某處米幾
畝我今貸汝死汝辦莫蹉跎田園賣已盡
賣牛及馬羸設官本爲民如此反爲魔繃
想祖宗法政令無煩苛人命須勘實請格

驗真訛原告苟不實抵罪追教唆所以民
樂生刑罰無偏頗今也則不然作聰明太
過事事必轉委上下相沿拖官更事忽變
堆案山差裁更僕不能究翻閱頭欲皤深
八書上考平反遭譴訶網密靡不舉節外
又生柯富者已累貧貧者將奈何不思古
先訓罪疑惟輕科安得由也果執法持太
阿坐令民不冤蕩蕩樂堯波顧公此篇蓋

感人命之至重而歎司刑者之勿慎也置
一雞於公座右吏治民生未必無補

字帶刀鋒

馬仲履大壯天都載桃源縣三義廟在河
岸夏文愍言赴召艤舟瞻謁手書天地正
氣一扁又書聯曰王業於今非蜀土英靈
到處是桃源刻於廟中後一御史見之驚
曰字帶刀鋒公殆不免乎未幾果被刑

鐵椎銘

宋翰林學士王德耀文兩爲主千戶著撰
鐵椎銘朱亥貢金張良受之合以忠義鍛
成此椎銅山可破椎不可缺金埒可碎椎
不可折噫亂臣滔滔四海嗷嗷長蛇其毒
封豕其饕上帝憤之以椎梟著椎不自奮
假手於汝數未莫先時來敢後曾不一揮
元兇碎首匪椎之重唯義之勇雖椎之功

唯人之忠長僅數尺重纔數觔物小用大
策此奇勲惟在人亡再用者誰藏之武庫
永鎮茲回

韓彭報施

通鑑傳論漢高祖取天下皆功臣謀士之
力天下既定呂后殺韓信彭越英布等夷
其族而絕其祀傳至獻帝曹操執柄遂殺
伏后而滅其族或謂獻帝卽高祖也伏后

卽呂后也曹操卽韓信也劉備卽彭越也
孫權卽英布也故三分天下而絕漢雖穿
鑿疑似之說然於報施之理似亦不爽

饅頭

事物紀原孔明征孟獲人曰蠻地多和術
須禱於神假陰兵以助之必以人首設祭
神則享之爲出兵也孔明雖用羊豕之肉
而包之以麩像人頭以祀神亦享之爲出

兵後人由此爲饅頭○因話錄云饅字不知當時音義如何適與欺瞞同音孔明與馬謖誠有神妙之謀非列寓言也

成語破

浙江陳煒字木叔

更名西輝甲戌進士

時藝膾炙一

時曾記八云則八坐云則坐食云則食雖

蔬食菜羹破題云三命滋益恭二簋可用

享用二成語皆切當聞鼎革時不食而死

解鳥獸語

博識得於閱覽此理之常至如論語疏公
冶長辨鳥雀語史記秦仲知百鳥之音與
鳥語皆應論衡廣漢楊翁偉能聽百鳥音
後漢書太史魏尚曉鳥語魏志管輅知鵲
鳴北齊書張子信宋史孫守榮燉煌實錄
侯子瑜瑾東谷贅言陰子春桂陽先賢圖
讚成武丁皆曉鳥語益都耆舊傳楊宜聞

雀鳴知前有覆車之粟地理志伯益知禽
獸言語翰府名談白龜年曉鳥獸語和苑
有鳥鳴書王喬有解鳥語鄭龍如偶記明
閩中陳國華能別禽音又麗江麥宗切八
玉龍山飲石盆中水遂知禽鳥之語而百
蠻諸夷之言無不通曉左傳介葛盧解獸
語論衡詹何聞牛鳴而知黑白抱朴子李
南解赤馬之言梁典廷尉沈僧昭聞南山

虎彌知國有邊事當選人丁遼史神速殆
能知蛇語東城老父傳神雞童解雞語

畫學考試

政和中建設畫學用太學法補試四方面
士以古人詩句命題嘗試竹鎖橋邊賣酒
家人皆向酒家上著工夫唯一人但於橋
頭竹外掛一酒帘已見酒家在竹內也又
試踏花歸去馬蹄香衆皆束手一人但掃

數蝴蝶飛逐馬後香意表出皆中魁選又
試蝴蝶夢中家萬里戴德淳回蘇武牧羊
卧草中蝶舞其旁皆良工苦心也

貢土水冰

前漢書徐州牧歲貢五色土各一斗南部
新書天下貢賦惟長安縣貢土萬年縣貢
水唐闕史載藍田縣貢冰常在冬杪如藍
冰不冰主吏宣命以祭一夕而成冰

鏡中形

人之吉凶形於夢兆猶是精神相感乃有
鏡中現形者如宋璟未第時每鏡中見影
成相字故以相業自負又嘉靖中杭州舉
人張洽一日照鏡見鏡中之貌另是一人
口云有你有我無你無我驚以語人莫曉
其故明年辛丑計偕途遇一人與鏡中者
相似問之乃會稽張洽姓名又同言前事

二人以中否必同及發榜果皆登第杭者
選南部主事會稽選北道不二年杭者死
於任會稽者死於家其應不爽

聽聲揣骨

瞽者聽聲揣骨知吉凶貴賤猶有聲可解
骨可摸至北史載盧大翼幼稱神童後目
盲以手摸書而能誦癸辛雜志張五星瞽
而慧善辨寶玉能別婦女媼妍尤不可曉

衣中出火

晉五行記曰惠帝納后牟氏將入宮衣中忽有火衆咸怪之其後后竟坐廢明會中丞鏡被逮目衣上火出竟陷大辟物象通占曰衣服出火主凶信矣天都載王司馬崇古腰玉目衣上出火撲之不滅又萬曆戊戌進士穆天顏未登第前火星常出其袖幾欲焚衣二事又爲吉徵不可概論也

孕毬心画

隆慶中武林婦人柳凝翠愛游西湖遂窮其勝歸而有孕後產一毬堅不可破家人怪之懸之簷前適有安南國人過見以厚價鬻之隨以鋸分作數片視之皆西湖景也○桐下閒談梁溪一女與某士有私久之士不至女思之成疾死後焚之心堅不化碎之中有男女交搆狀如春画然

猴種

陸子玄聲傳宋鄞人王某以販馬爲業畜一獼猴其妻夏日醉卧適猴在側因據腹而合焉妻以爲夫不之拒及醒乃大恚捶殺之埋於屋後自是有娠生二子卽應麟應龍也厥狀肖焉長而精敏好學不獲登第一夕二子夢白衣老父謂曰爾父葬處甚佳能移上丈許立至富貴二子以父尚

在不解其旨以告其母母夜半潛移其穴
如言葬之未幾並登科仕通顯爲名臣

查名

葵軒墳記萬曆癸卯慈谿楊克之守勤起
京會試道出維揚因行李匱乏適一同隄
友作縣遂殺刺告假資斧友批查名二字
楊遂狼狽而去來春揭榜聯魁天下因作
詩贈友云蕭蕭行李上長安此際誰憐范

叔寒寄語江南賢令尹查名須向榜頭看
尹得詩大慚然揚之氣量亦淺矣

烏龍是賊

硯北雜存周延儒幼時有神童之稱而性
頑劣師以石硯盛水頂之而跪有友雷一
聲謁師見之勸師放起一聲曰欲女作一
文延儒請題一聲曰卽以頂硯爲題延儒
曰一片石一勺水壓住烏龍難擺尾今朝

幸遇一聲雷扶搖直上九萬里一聲曰此
乃大貴之才師曰貴則貴矣但奸人耳一
聲曰何也師曰烏龍乃賊龍也何不言人
龍果聯登會狀後相烈崇以奸敗賜死

怕讀書

有人譏怕讀書者曰春天豈是讀書天夏
日炎炎正好眠夏去秋來冬又到且將收
拾過殘年可謂切中事情

七七

論衡訂鬼篇鬼者甲乙之神甲乙者天之
別氣人死甲乙之鬼至矣然而殺鬼之至
者又庚辛之神何以驗之如人甲乙日病
者死期常在庚辛日以是推七七之說不
過五行相尅之理怡庵雜錄云佛老有地
府十王之說蓋卽十干之義其五殿稱閻
羅最尊者以位配戊巳居中故也其有七

七之名者蓋取十于循流至七則尅制如
甲子至第七日庚午甲遇庚尅制庚子至
第七日丙午庚遇丙尅制更以十二支論
之一日子至第七日遇午爲冲一日丑至
第七日遇未爲冲以其相尅相冲故作善
事爲之禳解易卦七日來復亦此義也

道家五炁

道家有五炁東方九炁木德星君西方七

炁金德星君南方三炁火德星君北方五
炁水德星君中央一炁土德星君七修類
藁云此庚子數也以納音五行之子就天
于上數起遇庚字在第幾卽其位也如壬
子癸柘木自壬至庚數第九故東方九炁
也甲子海中金自甲至庚數第七故西方
七炁也戊子霹靂火自戊至庚數第三故
南方三炁也丙子澗下水自丙至庚數第

五故北方五炁也庚子壁上土數第一故
中央一炁也蓋庚爲金金爲受氣之始故
五方之炁以數加焉

天氣地味

七修類藁天以五氣生萬物氣無臭味故
風雨霜露自天降者皆無味也地以五味
養萬物味具形質故地生者皆有味焉然
雨淡霜露甘甜亦有形質不可謂無味

陳眉公

硯北雜存陳眉公在王荆石家遇一宦宦
問荆石曰此位何人荆石曰山人宦曰旣
是山人何不到山裏云譏其在門下也旣
而就席宦出令曰首要鳥名中要四書兩
句末要曲一句合意令曰十姊妹嫁了八
哥兒八口之家可以無飢矣只是二女將
誰靠他客不克續眉公曰画眉見嫁了白

頭公吾老矣不能用也幸負了青春年少
舉座稱賞宦途訂交焉

駙驢侍狗

說聽崔副使允京山侯元之弟初登第時
偕同年王侍郎寅之子允修謁王之鄉某
前輩其人問崔何人王云崔駙馬弟乃兄
駙馬此爲駙驢崔答云卽王侍郎兒乃父
侍狼此爲侍狗聞者絕倒

花酒

郡中有人欠某緞銀十兩准酒三十罈俱
酸而花者時值端午某治具邀客斟此酒
以酌原介紹者客見而訝之作詩曰四時
佳興又端陽競渡爭看筵席張豈意流霞
成五色似難邀月進千觴客疑長藥攢眉
飲主若瓊漿笑臉嘗汲盡必須洗盞酌杯
中凝滯似糖霜

四書陳二

明末吾郡有妓曰陳二四書最熟人稱四書陳二一日與諸名士同飲共說口令欲言有此語無此事者衆皆引俗諺二云緣木求魚衆稱賞一少年故折之曰鄉人守斷者皆植木於河中而棲身於上以拽罾豈非有是事乎罰二酒二飲訖復云挾泰山以超北海衆競歎賞之少年卒無以難

食薇衣葛

韓子通解及列士傳武王伐紂伯夷叔齊
叩馬而諫不從遂去隱於首陽山不食周
粟採薇而食採葛爲衣時王摩子入山難
之曰君不食周粟而隱周山食周薇奈何
二人遂不食薇經七日天遣白鹿乳之復
得數日夷齊思念此鹿肉食之必美鹿知
其意不復來二子遂餓而死夫夷齊採薇

而食人所知也若食鹿乳及採葛以爲衣
人罕知者又劉孝標辯命論夷齊斃淑
媛之言按古史考夷齊採薇而食野有婦
人謂之曰子義不食周粟此亦周之草木
也於是餓死

上大人

小兒初習字必令書上大人丘乙巳化三
千七十士尔小生八九子佳作仁可知礼

也天下同然不知何起水東日記言宋學士晚年喜寫此必知所自又說郭中亦記之大抵取筆畫稀少童子易於識認耳祝枝山猥談云此孔子上其父書也上大人爲一句丘爲一句乃孔子名也乙巳化三千七十士尔爲一句乙一通言一身所化士有如此小生八九子佳爲一句蓋八九乃七十二也言三千中七十二人更佳作

仁可知禮也爲一句作猶爲也仁禮相爲用七十子善爲仁其於禮可知也

螢囊

沈存中清夜錄丁朱崖敗有司籍其家有絳紗籠數十大率如燈籠詢其家曰聚螢囊也有火之用無火之熱亦已巧矣然隋楊帝嘗爲大囊照耀山谷丁製蓋具體而微則囊螢不獨車允也

巧對

朱亦巢先生暑年善作對所居相近田中有巨石名石牛旁有僧庵曰石牛庵偶同父執某步至庵某出對曰石牛庵畔石牛蹲耕得石田收幾石先生對曰金雞墩上金雞宿銜來金彈俗作蛋值千金某稱賞因論向傳巧對有獼猴上栗樹喫栗殼落某曰螳螂入菱窠擒菱鉗連但四字俗語所

堅瓠集

卷四

三

王

無不佳今改山童採栗用箱承劈栗撲籠
先生思之未就適童提菱一籃入遂應聲
曰野老買菱將擔倒傾菱空籠大加歎賞

數目謎

幼聞一至十數目謎云百萬軍中捲白旗
天邊豪富少人知秦王斬了余元帥辱罵
將軍失馬騎吾被八言欠口信辛苦無干
枉自啗毛女受刑腰際斬分尸不得帶刀

歸一丸妙藥無人點千載終須一撇離近
又見一謎云燈兒下金錢卜落這苦心一
一誰知道到春來人日俱拋欲罷時何能
自了吾心正焦有口向誰告好相交有上
稍來沒下稍既皂難留白少不得中間分
一刀從今休把仇人靠千思萬想不如撒
去了好

壬子玠

優人王子玠鼎華之初名噪一時辛卯入
都門錢牧齋輩贈之詩歌遂游公卿間陳
涑陽龔合肥輩置之座上或以優賤爲言
陳云爰聽高柳新蟬當不計其轉凡時也
後歸里門益驕奢淫縱巡方東萊李公森
先廉得其狀捕而杖之與僧三遮立被斃
於閤門號令三日大抉人心合肥聞之作
土生輓歌五首極其哀悼

楊妃小字

玉環楊妃小字李商隱詩云十八年來墮
世間瑤池歸夢碧桃開如何漢殿穿鍼夜
又向牕前覩阿環可證楊妃外傳及諸書
皆曰玉環而鶴林玉露載唐狄昌詩曰馬
嵬煙柳正依依又見鸞輿幸蜀歸地下阿
蠻應有語這回休更怨楊妃阿蠻又似妃
之小字况昌唐人必有所據而云然

四乳

文王四乳見淮南子又雜記載范鎮兄鎡
卒有遺腹子在外鎮求之兩蜀二年得之
曰吾兄異於人體有四乳是兒亦然驗之
果四乳聞見卮言載浙中一女亦四乳上
兩乳略開下兩乳略近如兩服兩駮齊首
如手狀上者房小下者房大乳子亦僅用
下兩房殊形異體不可謂世間無有也

馮猶龍抑少年

馮猶龍先生偶與諸少年會飲少年自恃
英俊傲氣凌人猶龍覺之擲色每人請量
俱云不飲猶龍飲大觥曰取全色連飲數
觥曰全色難得改取五子一色又飲數觥
曰諸兄俱不飲學生已醉請用飯而別諸
少年銜恨策曰倣就險令二聯俟某作東
猶龍居第三位出以難之令要花名人名

同文曰十姊妹十姊妹二八佳人多姊妹
多姊妹十姊妹過盆曰行不出爵三大觥
次位曰佛見笑佛見笑二八佳人開口笑
開口笑佛見笑過猶龍猶龍曰月月紅月
月紅二八佳人經水通經水通月月紅諸
少年爲法目斃俱三大觥收令亦無猶龍
曰學生代收之曰並頭蓮並頭蓮二八佳
人共枕眠共枕眠並頭蓮諸少年佩服

鰲僊

世傳鰲與蛇相爲牝牡相爲生化有人發沙穴見鰲與蛇俱鰲暮出取食跡在沙上蛇輒出滅之鰲遺子蛇噓之始成蛇久復爲鰲鰲三足者爲能音耐食之殺人馮元成云能音台天文斗奎下六星兩兩而比者曰三能音三足能亦三足二在旁一在腹中甲蟲之有神者人食之化爲水陸子

餘庚巳編載太倉州民食三足鱉身體化
盡止存毛髮其妻爲隣里所告獄久不決
知州莆田黃廷之輟之令漁人捕三足鱉
出婦烹治使重囚食之有頃亦化又郭相
奎嗜鱉行部瀘州吏以鱉進郭驗之三足
乃投之江作活能說馮元成亦有戒鱉記
○王行甫耳談萬曆巳卯嚴州建德縣漁
人獲一鱉重八觔酒家買置室中夜半作

人聲明晨剖視賤有老人長六寸許首戴
皮帽鬚髮逼真又頰川王戶部某在通州
一日庖人烹簋中有官旁列鬼判各一朱
髮藍面皂帽綠袍左執簿右執筆戶部遂
戒此味康熙壬子夏顧小謝家在京一簋
剖之中有仙人長二寸許五官畢具首如
裹帛觀者甚衆一人云若能生得之納於
臂中能知過去未來事但血爲彼食三年

後往往致死此說未知然否

朝廟享祭

神史志異道州有舜祠凡遇歲首山狙羣聚祠旁跳踉奮擲狂奔疾走者五日而後去次狙亦如之三日乃去上神謂之狙狙朝廟又夷堅雜錄梁山有漢武帝廟祭時有蝴蝶一二百飛集享祭近之不驚徹饌然後去云是武帝侍從捉之者病

婦人奇相

間見卮言嘉靖中仁和一女子飲食異量
日以斗粟爲率閭里驚異無人敢聘學究
鍾某家貧未娶女父母憐其孤獨許字之
鍾於是年發科娶焉成進士開府粵中鍾
亦善啖到任日所屬供下馬飯卽坐驛中
徐徐獨酌餽饌盡百餘器夷民觀者咸畏
服以爲神終其任不敢蠢動○又嘉興太

家一女奇醜面麻眼損足跛頭禿人無娶
者慈谿趙文華娶焉戊子己丑聯捷巖崑
倚爲心腹擢顯職後因倭亂持節開府浙
中移鎮嘉興聲勢赫奕所爲頗不循理賴
醜婦賢明時爲勸解有奇相者必有奇福
以是知紅顏薄命信夫

墓中異物

黃巢亂太白山人謁金州刺史崔甦封云

掘破牛山賊當自敗崔發卒掘之得一石
桶中有黃腰獸一劍一獸見劍自撲而死
巢未幾果敗削髮而逃宋張邦昌劉豫俱
山東人金人立爲僞帝人鑿其祖墓各有
異物飛出二人遂不終明李自成作亂米
脂令任丘遷長白大緩爲自成發其祖墓
遍訪自成祖墓不得下令查凡姓李墓掘
之乃有言自成祖墓者掘得一物鱗甲滿

身醢而灰之自成遂敗死於羅公山下

插秧婦

戴九靈插秧婦詩云青秧蒙頭作野妝輕
移蓮步水雲鄉裙翻蛺蝶隨風舞手學蜻
蜓點水忙繁束煖煙青滿把細分春雨綠
成行村歌欲和聲難調羞殺揚鞭馬上郎
江北婦女皆務農其夫反謳歌擊鼓風俗
與江南不同如此

承天府碑

歷誌萬曆甲辰承天府闢土得一碑光澤
照見人影甚多簇擁一偉人騎白馬上昇
俄而天門開一人袞冕迎入比明碑上有
字云北伐隨明主南征拜上公黃龍已盡
醉長侍大明宮俄雷震大雨洗去

魚王石

莘野纂聞云余家靈巖寺橋旁相傳橋東

堅瓠集

卷四

三

陸氏瀕湖石岸有魚王石在焉過桃花水發鯉魚千百爲羣來朝居民設網輒得魚此水淺渚細流不隣江湖而魚又應候羣至不無靈異後陸以坎築米窖重甃石岸得一石半枕於河長圓類鵝卵殆所謂魚王石也洩其靈魚之朝宗遂絕○余居後門在橋之西耆老爲予言嘉靖中尚有巨魚應候羣至與伍公所言合